

定山堂詩集

定山堂詩集卷五

五言律詩一 九十二首

述蜀

感武陵事作三首

方密之曼寓初成招同曹秋岳姜如須張爾

雅讌集限韻

癸未十月初七日以言事下獄

二首

送黃美中令蕪陰

二首

送段雨巖下第歸漢川

方慕菴謫官南歸賦別

四首

和戴巖學朱子美雪興

二首

社集韋公祠看海棠同諸子分韻

二首

送曹古遺給諫歸殯汾陽

十四首

有觸

爲舒章也四首

又觸

二首

袁鳧公水部將之清源同秋岳雪航集小齋

賦別

二首

雪航席上同秋岳限韻

二首

吳鄭南征賦別

三首

同秋岳觀劇無外邸中

三首

花朝同敬哉韞退玉叔爾唯舒章芥菴社集

秋岳齋限韻

袁鳧公水部自清源貽詩見懷依韻寄荅

二首

劉藥生使君招同鄧孝威徐欽我諸子讌集

陳園各拈三韻

初夏雪航寓中同秋岳納涼限韻

二首

留贈秋岳卽用送別原韻

三首

真州渡口阻風雨用杜工部咏雨韻

四首

雪堂先生自章門以近詩垂示兼索和報卽

次來韻

二十首

周元亮使君有舟名就園索賦

二首

水月菴和壁間韻

二首

向遠林過觀唐宋墨蹟

二首

送別遠林兼訂白門之約卽用留別原韻

二首

戲爲如農有贈

定山堂詩集卷五

姪嘉禧

淮南龔鼎孳孝升著

男士積全較

弟鼎珩孝積訂

士稚

五言律詩一

述聞 感武陵事作

敢信憂天驗曾聞借箸工元戎勞仰藥諸將慎轡  
弓防潰蠶叢矢懸軍燕幕空未央飛捷斷廟算累  
群公

其二

襄州纔鼎沸，維邑已蕭條。  
萬里征旗滿，頻年玉葉凋。  
國威窮斧鉞，士氣弱金貂。  
流涕思豐沛，戎衣劇堪宵。

其三

吐舌談前事，攢眉向上游。  
翠蛾珠珥亂，龍種玉環秋。  
夜火傳深殿，銅駝立古丘。  
杜鵑花下血，點點是春愁。

方密之曼寓初成，招同曹秋岳、姜如須、張爾

唯讌集限韻

燕市悲歌地相過賦大招金門方詔朔碧玉擬歸

喬

密之時欲  
納姬人

榻淨涼烟入窓虛旅夢搖酒人餘古

意風物亦蕭蕭

癸未十月初七日以言事下獄

將鬚今始驗罹雉古應同道有逢干拙時當蘭蕙  
空幽囚增士氣天日視微躬玉陛猶宵旰何心泣  
路窮

其二



社稷關元老憂天語信狂九重容折檻萬死待浮  
湘鹿馬人猶眩龍蛇道已荒賈生年少哭終是負  
巖廊

送黃美中令蕪陰二首

無雙江夏士低首遂鳴琴楚澤芳何晚柯亭賞至  
今雲中飛鷁去江上報花深金石千秋在艱難保  
壯心

其二

直道崢嶸甚悲歌此地安看君辭北闕留我壯南

冠江左兵戈近春陵涕淚難脫驂誠古意夫子慎  
饑寒

送段雨巖下第歸漢川

海濶飛鵬路金空市駿臺敗猶堪獨霸窮不悔多  
才師弟逢奇鬼天人記溺灰莫尋幽憤路蘭澤已  
蒿萊

方慕菴謫官南歸賦別四首

太息青門道斯人又逐臣江湖真得侶蘭桂不宜  
春網肯寬威鳳時方貴腹鱗朱雲交戟在吾道本

嶙峋

其二

芳月憐楊柳春愁漸各天蛾眉疑玉鏡鴈塞冷金  
鞭積羽繁霜迫吞聲曲突偏布帆春浩蕩幸在落  
花前

其三

雙鬢兵戈短孤踪猿鶴私笑人吟鵬鳥避世託鴟  
彝烟雨黃山夢春燈白社詩時危容補闕天意直  
臣知

其四

斗室招魂出悲歌  
一夕刪時賢勞赤羽恩澤賜青  
山長嘯烟蘿合輕裝戰壘還故人方憤俗只許唱  
陽關

和戴巖犖朱子美雪興二首

歲晏稱遊子斯情已惘然無家烽火地多難雪霜  
天閱世悲今夢原心累後賢荆高千載淚沾洒到  
山川

其二

朔雪吹衣帶孤懷自耿然  
饑寒消夙業瓶拂禮諸  
天事往憑殘涕燈深恕  
昔賢賓鴻愁斷絕芳草隔  
遙川

社集韋公祠看海棠同諸子分韻

地僻快幽攜卣杯勝日宜  
如何傾國恨又上海棠  
枝藉草憐衫薄行花奏鼓  
遲杜鵑憔悴後愁與落  
紅期

其二

霞暈發瓊枝東風萬玉垂  
花憐萍跡收春入醉鄉

悲舊夢牽香草荒烟冷麗姿林中雙燕過楚楚說  
興衰

送曹古遺給諫歸殯汾陽十四首

別君曾幾日身世遽如斯有恨纏弓劍無人共亂  
離歲寒前約在命薄寸心違惜子萇弘血千秋失  
此時

其二

獄吏深于鬼丹書我共君甘心陪北寺後死雪朱  
雲豺虎投何地芝蘭道竝焚金珠輸寇日國賊辱

虎山堂詩集

五

卷五

彈文

指故相也

其三

交臂能千古唯君與子房  
鳳麟尊骨采嶽瀆奉肝腸  
褻革悲司馬騎箕失省郎  
獨生誠恨事莫只怨河梁

其四

郊壘何人恥公卿厭枕戈  
同時宣上殿一夕對鳴珂  
羽檄毛錐壯封章墨楯多  
壯夫矜七尺不死便蹉跎

其五

蹀血方龍鬪危身或虎爭  
責人知過當時論本難  
明朝貴占顏色精誠兆  
鼎烹杜喬與李固終不悔  
成名

其六

禍大疑天等人嫌得鬼求  
引繩連弟僕掛劒絕交  
遊篋冷蠅難集弓虛猿正愁  
一發未中  
古遺遂死  
世間兒女  
事知不入離憂

其七



碎首支天坼危軀醒國狂堂前雙白髮身後一青  
箱衰鳳憐毛羽高蟬絕稻梁石田無二頃聞說隔  
春荒

其八

俯仰悲吾道吁嗟失此人河山思把酒天日視沾  
巾雙觀蘼蕪路荒龕夜雨燐車輪腸自轉愁絕向  
千春

其九

以子全歸好知余濡忍難蜨翻鄉夢杳鵲咽古魂

殘鮑叔人千載程嬰事一端眼看輕薄子何限髮衝冠

其十

野草迷寒食吞聲只至今碣銘存白簡魂魄笑黃金國短忠言福天憐男子心櫻桃并梅豆酸楚薦清襟

其十一

已經桑海劫又值餞花時送子今何往天涯各路岐孤雲埋爪髮四海失鬚眉年少傷搖落因君改

鬢絲

其十二

世道羊腸甚交情覆雨輕纏綿風雪夢罪過死生  
盟我豈忘仁祖人翻罵正平應憐余失路此哭不  
成聲

其十三

古遺之事其師某公左右之以不罹譖陷  
此大節不可沒也

伏闕回天日欽崎一孝廉義甘同郭亮身自護公

謙烟月尊驢背、文章狎虎髯、向來薑桂性師友已  
先覩

其十四

王子房曰仲謀太冷孝升太熱惟古遺能  
劑之以適厥中今落落仲謀河梁遠矣子  
房古遺皆遊道山吾不死而覲顏爲人傷  
哉

自不因人熱奇窮血未消問天非有益罵座亦無  
聊冰雪欽孤立韋絃得久要飄蓬人代隔精衛咽

荒潮

有觸

爲奇章也

但許稱同病悲憐意不生世廿疑狗監吾敢負鷗  
盟罪爲蘅荃受心因魑魅明看人顏色久無謗合  
逃名

其二

逝水悲生事凌雲夢已無入宮憐較晚按劍事全  
殊風捲囊琴市天窮督亢圖火攻真下策容易說  
吞吳

其三

京華冠蓋地誰分賦甘泉薦禰明孤賞依劉學苟  
全有文原可隱解妬似猶憐欲訴連城價含辭不  
敢前

其四

麋桐何不可失計遇中郎衰鳳餘三歎冥鴻自八  
荒禮方憂性滅人苦怨才長已惜遭逢晚鋤蘭豈  
足傷

又觸

奇字知難讀聞名那不思如何窮戰鬪只爲惱聲  
詩照乘憐雙璧棲鸞奪一枝浣紗溪上月妬殺捧  
心眉

其二

卽逢楊得意所養辱才人不信昭陽地難容圖書  
身雕龍原可怪伏蠓豈求伸厚誼春明柳含青磔  
遠臣

袁鳧公水部將之清源同秋岳雪航集小齋

賦別

啣盃辭朔雪肯惜客衣單梅閣宜乘興詩名恰稱  
官鄉懷生渭雨春草迂雕鞍撚指桃花舫聯吟比

彈丸

余擬春  
初乞歸

其二

橫笛吹行色燕姬玉轡馱風萍憐帶緩烟柳愛裙  
拖南國人初少西樓夢漸多座中公瑾散絲竹悞  
如何

雪航席上同秋岳限韻

閉門愁雨雪失路狹樵漁命薄文章累時危井竈



定山堂詩集

五言律詩  
十

卷五

墟酒人驕夜柝花事兆肩輿一座江南意何辭逐  
客書

其二

畏人欣失馬避難怯聞鷄鄉路烽烟外春陰城闕  
西餘生閒似夢齋日醉如泥弋客勞繒繳吾傷枳  
棘栖

其三

遠志悲浮梗良箴拜溺灰世能尊絳灌天亦厭鄒  
枚生事留鴻雪奇言奮蟄雷故山青燒斷蠟屐及

春回

吳卽南征賦別

惜別徒兒女請爲慷慨言大名傳季札公子重爨  
門寶馬團花立春旗細柳翻丈夫心血貴傾倒在  
酬恩

其二

功名憑燕領二十佩吳鉤天地看橫角風塵避短  
裘還家如出塞多難賤封侯自古磨崖績書生據  
上頭

定山堂詩集

五言詩

卷五

其三

一劍朱雲得今看出匣鋒飯難忘鉅鹿人不異盧  
龍國士知弓冶家聲薄鼎鐘擊奸兼破賊吾欲卷  
書從

同秋岳觀劇無外邸中

才名推繡虎生計習醢鷄春雨前溪後銀燈北闕  
西宮鶯叢月語巢燕困花泥最惱深宵柝烏今未  
可栖

其二

歌舞行芳竿文章起劫灰吟方驕爛熳春欲老條  
枚衰鳳猶羣慕宵蚊又聚雷得佳聊且住天意或  
須回

其三

春愁看旅鬢人語得鄉園柳爲吹綿薄花宜藉艸  
溫姓名羞狗監心迹託龍門風物催歸屐春畦長  
芥孫

花朝同敬哉韞退玉叔爾唯舒章芥菴社集

秋岳齋限韻

客似春星聚花猶舊雨繁亂離淹筑市風日嬾文  
園物態雲千嶂鄉心酒一尊爲憐江鮑後烟月至  
今存

袁鳧公水部自清源貽詩見懷依韻寄荅二  
首

空齋冰雲裏日日憶袁安尺素愁中得清歌興未  
殘舊歡靈酒慢新夢託漁竿衆女方謠諺蛾眉好  
目完

其二

水部稱才子詞場起建安同時人自失當戶艸先  
錢物總催蓬鬢狂應舞蔗竿春吟吾漸懶粗報藥  
捌完

劉藥生使君招同鄧孝威徐欽我諸子讌集  
陳園各拈三韻

虞字

政古人多暇樽深興不孤秋花紛度曲疎竹晚行  
厨世事消箕踞林風散醉呼嘯樓清吹迥城樹遍  
棲鳥

佳字

何地無佳月此宵幽事偕彭宣  
寒絳帳嚴武到籬柴坐爲清言  
客名從濁酒埋杯行喧一笑侍史  
當金釵

陽字

星高楊柳苑人坐薜蘿房華燭  
搖清露秋蟲響暮山乾坤子野笛  
江海庾公床憑仗淮南桂招魂入  
醉鄉

初夏雪航寓中同秋岳納涼限韻

不須河朔飲薄醉卽荆高物外滄洲趣門前澗瀨  
濤微名埋嘯咏初月寫蓬蒿禮法吾甘謝窮途哭  
自豪

其二

掃徑停雙屐逃閒咏五君燈安鄉社酒風度暮簾  
雲虎豹虛相嚇鳬鷗懶易羣感時兼作達狂醉語  
難分

留贈秋岳卽用送別原韻

良箴心自戢

時爲言  
者所螫

萬死棘人歸天視河梁語風



寒易水衣、鳥巢陵谷、改虎口姓名、微隴樹、纏幽憤、  
千秋失采薇

其二

贈行河上柳、慰夢石尤風、物態飄蓬外、心期落日  
中、枯魚魂自泣、澤雉網能空、天意誠難問、吾徒忍  
路窮

其三

秋雨吹殘篋、君憐范叔寒、同時傷蠆尾、畏路散鷄  
壇、妬合修蛾竝、人甘止棘繁、好畱知己淚、相對灑

更闌

真州渡口阻風雨用杜工部咏雨韻

多病青楓後孤帆白下行雨深千舫集天遠一鴻  
明鐵甕烟中樹銀濤枕畔聲故園真在眼隨意買  
江秔

其二

淹泊已經時終朝看釣絲雲過楊子濕秋落海門  
遲日月閒無賴風波險暫辭坐來漁榜熟分火照  
宵幃

定山堂詩集

十五

卷五

其三

鳴榔芳艸暮鴈外一身歸作客河山改還家雨雪霏  
傍秋窮水驛減藥絮征衣莫便歌泥滑天涯此夢稀

其四

岸逼積陰滋風迴下葉遲川原喧鶴舞蔬筍信魚  
饑時方清齋事佛洗馬愁成癖楊朱路盡悲菰蘆誰好事  
破浪選專絲

雪堂先生自章門以近詩垂示兼索和報卽

次來韻

搏膺當世難攜手哭途窮共閱彈碁局難爭握槊  
功銅街移戍角錦纜偃江風三徑憑搖落蕭條此  
意同

其二

風雨荒原夜迢迢策杖從城雲殘百戰燐火逼孤  
踪誰縛冥鴻翼長慙石戶農章門薇蕨路萬仞削  
芙蓉

其三

世態憑荆棘家風本藿藜醉鄉逃虎豹高枕咏蟬  
蟬天鑒靈均淚人看董卓臍春愁連騎日宮柳拂  
鳴鵬

其四

萬國征旗後何人指泰階南枝猶雪霰吾道總烟  
霾細雨春鋤蕨江村晚負柴餘生容寄傲庾信肯  
天涯

其五

亂後親知已天涯散酒人落花繞一曲芳草自千

春遇俗存風格還山讓隱淪柴桑蘿月在瀟灑間  
湖濱

其六

幾年身世恨清淚墮荒陂風定秋笳滿人歸舊壘  
移鼎鑄誰煑鶴文繡久憐犧千載荆高血崢嶸易  
水湄

其七

白雲迷故麓青燒掩寒扉烏痛風中樹鴈驚海上  
機天高聞蟋蟀霜重老伊威暗憶陳情表傷心對

夕  
落暉

甲申與師同  
抗疏乞歸

其八

味偏同草木人苦費耘鋤甘受微名累難令故態  
除龍門高嶽巢嵇性老蕭疎好謝雲霄侶窮愁各  
著書

其九

世已難周黨吾誠遜屈原同心紛易失往事鬱難  
論白雪留鴻響青山妬屐痕蛾眉雙掩泣不是怨  
長門

其十

脫屣烟霄意遊仙路亦寬  
最憐孤憤士都作六朝  
看身許紅窓隱啼傷絳蠟乾  
長安車馬客顛倒削  
皮冠

其十一

龍臥思伊呂居然伯仲間  
一歌衰鳳去萬事耦耕  
閑金翟淒垂露雲霄勇觸蠻  
沈郎愁最甚無福學  
癡頑

其十二



磊落任安報交情萬古懸如何國士血同灑恨人  
天莖露虛仙液河梁揖馬鞭茂陵風雨後贈贈訝  
丁年

其十三

莫過投金瀨寒心問遁逃道窮波浪濶俗薄鬼神  
勞堆血平原繡藏身公瑾膠無家同旅鴈最記北  
風高

其十四

徑僻寒花繞窓深綠雪遮畫簾翻翠羽奇字煮丹

砂巢許踪何往徐蘇韻不遐柴門車騎寂竟榜白  
鷗家

其十五

鈴索翻天寶宮雲壓建章麒麟難入畫鸚鵡最啣  
傷白眼空餘子黃冠得故鄉桃源知近遠漸欲話  
耕桑

其十六

王粲欣吾土徐陵感遠征故交今萬里風雪欲三  
更醉裏鳴笳曲鴻邊擊筑聲懷人梅正發徙倚到

參橫

共十七

奇僻埋絀素微軀辱汗青半生游俠傳一榻太玄  
經罪在讐臚魅天應照黜冥向來狂爛熳歌嘯滿  
旗亭

其十八

露濕青楓岸天低絡緯舟兩年雙作客萬古一悲  
秋去國同蕭瑟還家判喜愁玉關饒吹咽容易說  
封侯

其十九

恩重翻成敵盟寒，豈復尋鮑知真忝。  
竊襴墨總消沉，過爲多情受心因。  
涉世深黃金臺畔草，冷笑到如今。

其二十

安穩惟漁父行藏，莫卜詹酒鱸間畢。  
卓花夢惱江淹，細雨樓中笛斜陽柳外帘。  
無窮師友債鐘鼓正清嚴。

周元亮使君有舟名就園索賦

丘壑孤行足烟波四望搖自然臨草閣不擬汎蘭  
橈屐許探幽懶峰知引興遙春江花月夜無路避  
吹簫

其二

竟署茱萸泚鳬鷗如此名到來紛小築臥起得秋  
聲碧草林中色烟裝畫裏情撫琴兼秉燭五嶽一  
帆輕

水月菴和壁間韻

橋與鳬塘曲僧當竹嶼清秋光先到水樹色欲浮

城鳥熟分香粒、蟬疎起梵聲、社成招便入、不敢學淵明

其二

風塵瀕洞久、此地眼猶清、細草深穿牖、秋鐘晚出城、千林來雨氣、一院聚經聲、落葉銷春夢、何山無月明

向遠林過觀唐宋墨蹟

相看曾不改、圖畫與山川、興滿樽前客、愁消亂後天、烟霞宗炳室、尊鮪季鷹船、古色摩娑久、愀然問

紀年

其二

貞觀空遺蹟、宣和邈逝川、不爲無益事、難荅奈何天、  
立壁娛琴侶、逢人問酒船、昆明殘劫後、贏得日如年、

送別遠林兼訂白門之約卽用留別原韻

臨常分手處、始悟送人歸、遊倦同司馬、山深一少微、  
鍾雲連布衲、江月老柴扉、纔訂林中約、秋鴻不忍飛、

其二

世路難如此孤行亦當歸江峰青杏靄秋草綠霏  
微計拙餘安枕名高慎掩扉空林扶杖處應妬白  
鷗飛

戲爲如農有贈

江南花落盡誰伴可憐宵玩世師無忌呼名得小  
喬風柔桃渡櫂月占廣陵簫柳色招人去依稀記  
臉潮



定山堂詩集卷六

五言律詩二

百有二首

秋懷詩二十首和李舒章韻

登北固和吳巖子韻

三首

登京口鶴林寺杜鵑樓用岳侍郎韻

二首

舟次丹徒乘夜疾發同善持君限韻

一首

舟泊吳門喜晤秋岳兼讀見懷詩和答

四首

初春試筆和秋岳韻

四首

人日和杜少陵韻柬秋岳

寄懷扶曦卽和金閨冬暮韻

四首

再和秋岳韻寄扶曦

二首

春日過秋岳齋中留飲竟日枉詩記事奉酬

五首

暮夜飲秋岳齋中醉歸賦謝

四首

酬葉聖野四首和秋岳韻

四首

秋岳枉駕寓園留詩四章依韻荅謝

四首

又和秋岳留飲桃塢兼問遊事

四首

秋岳以詩訂遊事和荅八首兼送先之湖上

夏鼎卿五十初度索詩戲贈

二首

塘棲道中再晤王調梅郡守解裝佐酒賦謝

四章兼託其過章門時致懷雪堂先生遂

初朱子

四首

見有咏雨梅者戲和其韻

聞警憶弟孝積用少陵得舍弟消息韻

二首

憶妹用少陵元日寄韋氏妹韻

贈黃甫及和百史冊中韻

四首

顧赤方以楚士滯吳頗艱就試近客廣陵不

得意貽詩相訂將爲武林之遊因寄荅

四首

留別冷心茶郡伯卽和其讌集湖舟韻

二首

舟中對雨有懷秋岳

六首

顧赤方別去二日忽復見夢枕上口占

因懷安止陶子

于皇辟疆穆倩友沂諸子過集寓齋

三首

定山堂詩集卷六

姪嘉稽

淮南龔鼎孳孝升著

男士稔全較

弟鼎璠孝積訂

士稚

五言律詩二

秋懷詩二十首和李舒章韻

偶簡敝簾見舒章甲申秋懷詩于時秋也  
客亦有懷因用其韻自述近况

繞枝憐旅鵲遁跡羨山麋一鴈霜初滿千林菊始

華衣涼驚敝絮客久笑匏瓜搖落西風候無人問  
孟嘉

其二

金門棲隱日有客破苔封愁豈人言始情惟我輩  
鍾浮雲催別鵠落日滿盧龍最憶高陽社能憐阮

仲容

懷燕邸同社諸子也

其三

自得尊鱸味江東老步兵漁樵無善地烟月坐荒  
城羣態紛朱戟千峰尙戰旌愁中橫笛晚天地一

秋聲

其四

河山風雨後萬事悔差池  
塵海餘蓬鬢烟霜失勁姿  
人猶工側目書莫著愁思  
高臥兼沉醉蕭條度此時

其五

不意飄零甚行看雨雪來  
依人常計左閱世總心灰  
白眼嫌多忤綈袍恥自媒  
有情隋苑柳爲爾徘徊

其六

豈必清歌發時時  
喚奈何九秋生事拙  
六代恨人多  
畫角紛橫海  
雕梁遠塞河  
景陽花外月  
無計照銅駝

其七

閉門安僻性不厭  
旅情孤身世如飄  
瓦文章愧握瑜  
愁多喧促織  
夢破喚提壺  
人事崎嶇極  
江湖亦畏途

其八



幾年懷故里白鴈晚沙中及此傷浮梗無殊飽朔  
風草從何代碧楓已萬山紅小隱慙叢桂江流日  
夕東

其九

攀條常泣淚枯樹夕陽低風憶陳隋艷名慙嵇阮  
齊故交貧日盡長恨酒中題却怪杜陵老經營到  
灤西

其十

仲蔚蒿何地苦遊翻似歸愁令青鬢改夢逐白雲

飛有路難懷橘無名却采薇賦成人不省信美定誰依

其十一

高樓蕭瑟處不敢望枌榆花社初分屐青梅小似珠幾時聞蟋蟀恰記賦驪駒應有悲秋句吟聲繞綠蕪

懷里門同社諸子也

其十二

載酒人時滿高軒客幸稀歌呼千載過眠食寸心違白雪逢天怒明絃與淚揮總持頭自黑安得直

門歸

其十三

無繇追逝壑終日履春冰  
大事輸今古浮生閱廢興  
歌成悲獨鹿壁玷誤飛蠅  
惆悵前身夢青霜薄曉燈

其十四

癡鳥曾填海啼鵲自咽川  
河山如隔世風雪又經年  
鬢色彫潘岳齋厨冷鄭虔  
聊期蟬脫穩不敢話桑田

其十五

誓墓逃空谷、驚心歷太行、交當儔沮溺、咏必割山王、  
天日明微尚、蘭荃惜故芳、莫教千載後、同傳沈東陽

其十六

鏡筵兼露布、一日遍淮南、亂合天人厭、時難理數  
叅新愁、澆濁酒、秋雨落黃柑、何計消兵甲、漁歌老  
碧潭

其十七

早霜吹短袂淚浥舞衣斑諸弟他鄉夢半生遊子  
顏江天諳旅燕風日困籠鵬丙舍躬耕好饑驅負  
故山

其十八

海陵高士集風物擬南州對酒青桐暮懷人白露  
秋夢遙依草閣書到問扁舟燦爛何山石相期對

飯牛

懷吳陵同社諸子也

其十九

橋頭簫久歇河上柳難攀遊倦留鴻爪塵高蔽鵬

冠絕交書欲就結客興兼關丹壑心期負何辭世路難

其二十

縹緲江雲外吳楓正餞秋一帆楊子月四壁長卿  
裘好句香奩定寒花驛路稠悠悠人不解洗馬竟  
無愁

登北固和吳巖子韻

落日晴江上蒼茫對酒時南來山易好東下水無  
涯鳥沒烟中樹帆搖柳外枝石頭潮自咽今古已

如茲

其二

雲廊環寺古石磴蹴空懸  
萬井寒吹霧千峰澹寫  
天岷峨秋浪盡吳楚夕陽連  
鼓角臨江怒樓船憶  
往年

其三

不倦登臨屐應攜康樂詩  
江空鷗鷺見霜滿雁鴻  
遲睥睨連層嶂烟光變晚炊  
未妨歸騎促遊臥此  
兼宜

登京口鶴林寺杜鵑樓用岳侍郎韻

武帝草猶綠空堂迥不關日斜何代寺松冷一樓  
山往事隨花盡浮生讓竹閒登臨寬戰伐旅鬢未  
應斑

其二

晉宋蒼茫後青山老故墟寺荒支遁鶴碣斷李華  
書慧業旃檀現寒烟金革餘爲呼殷七七花恨近  
何如

舟次丹徒乘夜疾發同善持君限韻



風定鳴榔夕燈搖罷酒心循烟知水驛隔舫聚吳  
音伐鼓前溪月棲鳥落木陰臥遊塵夢少清切閱  
千林

其二

十年江上約乘興慰吾曾白鴈驚蓬鬢青峰放晚  
層星高漁罷戍沙淺鷺窺燈渡口寒潮急秋聲帶  
廣陵

舟泊吳門喜晤秋岳兼讀見懷詩和答

各有關心事何辭命駕行月中淮海夢霜後闔閭

城地好忘離亂家殘近友生相逢曾幾日日管絃鳴

其二

大雅吾師表寧論李與蘇波瀾奇後老風格別來孤天意存詩史人間有畏途買山同閉戶亦擬著吳都

其三

九日平山路登高一憶君征鴻何日到落水半空聞江濶憐秋去人來坐夜分相看俱未老身隱不

妨文

其四

莫憶銅駝涕烟波  
愜遠遊江楓閒對酒  
吳苑晚維舟  
簫鼓愁中事  
林泉物外謀  
丹霄鷁鷺滿  
端不妬千秋

初春試筆和秋岳韻

小隱安萍迹  
窮途促鬢華  
依然書甲子  
長恐負鶯花  
鹿走迷苔草  
鳥棲緩客車  
蕭條生事盡  
兵甲正天涯

其二

多難輕鄉土孤行閱世情百年空歲序七尺累平生  
雪盡淮南鴈潮喧海上城不堪愁思裏春色大江橫

其三

退有千秋業相期志靡他人琴紛涕淚風日黯關  
河白雪新知少青山恨事多春來蕭瑟意容易感  
蹉跎

時聞舒  
章之詩

其四

浮家豺虎外，誓墓薜蘿前。物色還人日，春愁改少年。  
緣猶慳采藥，俗轉薄歸田。攜手忻同調，輕帆就  
潯川。

人日和杜少陵韻柬秋岳

風俗傳今日，輕陰客路時。人間花勝閨，歲閏柳條  
遲。節物天涯異，笙歌戰後悲。爲歡非計左，實畏髮  
如絲。

寄懷扶曦卽和金閨冬暮韻

人日緘書到，遙憐綺紵心。江烟催岸柳，海色接春

陰短髮愁中換窮交亂後親  
條風薇蕨長肯諱入山深

其二

節序悽遊子人情置不論  
幾年移社臘四壁冷吳門  
事往難揮涕春寒且負暄  
阮宣錢欲盡賴爾佐開樽

其三

金闕花月路不異可憐時  
玩世兼歌哭全生半黷  
癡浮名同雨散薄俗任毛  
次却憶鳴珂日春雲壓

鳳池

其四

銅駝攜手處極目盡斜暉天遠浮雲合時移我道  
非文章銷雨雪風俗羨輕肥命駕乘春早河梁不  
易歸

再和秋岳韻寄扶曦

諫獵書爭上焚餘草不存衣冠同口散烽燧一江  
昏別夢連春嶠生還省舊恩西曹燈火夜相對此  
清樽

其二

大壑橫流日埋名亦壯夫  
崎嶇還物態潦倒狎危途  
楚澤蘭空老扶職與余會  
同爲楚令吳洲月未孤  
薄遊真欲倦羨爾穩菰蒲

春日過秋岳齋中留飲竟日枉詩記事奉酬

五首

晴色浮幽巷巾車問著書  
青山梅福地春草子雲  
居命酒狂相得逃名策  
未虛所期兵甲罷終老狎  
禽魚



其二

庾信凌雲筆縱橫老更成辭章還我輩冠蓋本時  
情蕙雨春畦過梅風晚磬鳴共堅丘壑尙物論豈  
難平

其三

勝日歡遊洽林風漸可乘戍鐘喧斷夜春館急開  
燈送酒花吹幔聞歌淚濕膺無勞賓戲荅羣笑等  
蒼蠅

其四

吳趨偏竹肉海國自風塵高臥增幽事繁香困酒  
人含辭蘭澤曉慢世遠山春飽歷浮生理爲歡味  
近真

其五

浮世催年往新愁對客寬實曾悽鼓角相勸保林  
巒春到江鄉麗風憐旅鬢寒千山花月夜那許閉  
門看

春夜飲秋岳齋中醉歸賦謝

不知衡宇隔對酒卽婆娑碧草開晴牖青春縱浩

歌還山朋好竝高枕月明多花徑從深掩能容二  
仲過

其二

濁世安龍性浮生學馬蹄嘯歌幽憤集花月隱人  
棲畫角春同度青雲路已迷未妨齋日飲一醉已  
如泥

其三

杜門心自達被酒語偏長芳散蘭蓀佩春陰薜荔  
堂繁絃三徑滿艷燭九微張但足江湖興抽簪未

是狂

其四

招尋淹晚屐歡盡訝途窮巷冷迴車月烏吟擊柝  
風墻東堪卜築江左正飄蓬醉尉何當問君憐蓋  
次公

酬葉聖野四首和秋岳韻

賴有朋簪洽都忘歲序移繁烟開凍柳晴鴈過征  
旗客去柴荆掩傷多燕雀疑不知春草碧還繞茂  
陵祠

其二

處約徵徵尙寧希邈世名江山寬旅客花鳥動春  
城雙鬢乾坤改餘生喪亂輕未逢嵇阮匹肆志亦  
難明

其三

荃蕙紛奇服蓬蒿聚逸人一斑驚豹見萬里想鷗  
馴暫穩高樓臥難看雅拜塵讀騷兼縱酒愁破是  
芳辰

其四

定山堂詩集

五言律詩

卷六

一淹康樂展漸屏巨源交衰鳳傷文采焚琴恕草  
茆無家開晚徑與客共春郊莫淺扶筇興林鶯出  
故梢

秋岳枉駕寓園留詩四章依韻荅謝

檻幽喧衆鳥展響谷中聞蘭舫晴穿郭蓬門啓爲  
君春慵淹病酒山近罷移文夙悟諧名理宗雷盡  
可羣

其二

經旬稀覽涉自覺勝情非幽客衝花至林香卷幔

飛清樽虛藥餌懷抱收芬菲大隱何能企南天識  
少微

其三

乘船春到寺興爲故人寬入座逢支遁

時虎丘道公在座

論詩霸子桓虎谿觴禁偶鶴澗野梅寒轉憶高陽  
醉疎狂合免冠

其四

魯陽戈欲借莫慮隔重城市藿簞難飽春雲晚更  
生一林佳客坐萬態隱居平多難兼豺虎同君歷

晦明

又和秋岳留飲桃塲兼問遊事

江南花信到蠟屐肯輸君雲壑能無恙風塵實厭  
聞日當松戶煖賓過鶴糧分投轄吾應受春愁起  
暮矐

其二

交重聯文藻林深限往來花明桃塲里月憶柏梁  
臺輿隸輕青眼鄒枚困散材久留君不厭又踏墊  
園苔



其三

幽棲誠簡貴客到卽開筵門豈交遊杜車因著述  
懸歡場流寓見晚操潔身全習嬾書仍就名山富  
盛年

其四

痛飲長埋照携家許入林橫塘冰盡解去舫柳應  
深道路諳羣態歡愁老客心白鷗盟恐負惆悵罷  
孤吟

秋岳以詩訂遊事和荅八首兼送先之湖上

柴扃誰剝啄天半墮朱霞看卽憐春滿吟常到日  
斜烏深林過雨鷗泛客移家賦就裁幽憤人間尙  
齒牙

其二

金馬諸年少君同供奉班旗亭消柳絮鴻雪隱春  
山晴報開帆急花分閉閣閒惟愁鉦鼓路慘澹異  
林間

其三

畏放荒臺眼蚪湯令激安玉魚春霧濕鐵駟曉林

過事到衡門拙交當末俗訛漁簑幽色滿相戒飯  
牛歌

其四

烽定輕吹梗田枯晚種瓜黃雲看世換青史惜身  
取柳暗鳬塘月樽虛石澗花五湖那可覓隨意野  
蓬斜

其五

運尙喧龍鬪人真厭雀羅春愁天寶隔雄藻建安  
多態訝朱門甚貧如白眼何燕雲諸駿骨可解念

菁莪

秋岳督學畿輔得士甚盛其去國亦因之

其六

習嬾還山後門高減送迎珠林春共坐  
畫舫月分行野燧于江戍輕裝五岳情  
同遊真忝竊吾避李膺名

其七

蕭條湖海意難向貴遊前泛宅依幽侶  
爲農待薄田興深春屐勇吟苦夜燈懸  
經亂身宜恕花時乞醉眠

樂府雜記  
賀懷智以  
鷓鴣笛作  
琵琶絃用鐵  
撥彈皮信  
符三春竹葉  
酒一曲鷓鴣  
絃

其八

得閒安藥餌未老足江湖  
莊舄常懷越梁鴻欲滯  
吳鷓鴣嘲遠志麟鳳悔岐途  
自放山麋性簞瓢亦  
壯圖

夏鼎卿五十初度索詩戲贈

鵬絃喧午夜春館隔花聞  
竹肉兼長擅蘭蘅一坐  
分神清原避俗髯妙亦超羣  
不信遊仙樂人間那  
遇君

其二

百年三萬日能值幾歡場花月吳洲艷笙簫隔代  
荒無愁勝大藥與客號高陽日日春風裏長斜那  
得蒼

塘棲道中再晤王調梅郡守解裝佐酒賦詩  
四章兼託其過章門時致懷雪堂先生遂

初朱子

忽漫胥臺聚相看剡曲行那知江柳合復對舫燈  
青春草邀飛蓋軍麾滯遠征最愁揮手罷重起別  
離情

其二

月霽長橋夕花迎彩鷁風鏐簫喧五馬書劍老孤蓬  
肺病經春減吳絃隔歲同寒暄消薄醉分色與途窮

其三

客久諸羣態寧甘值路人饑鷗千里道烏鵲十年身  
交豈綈袍見貧當薄俗嗔輕裝分贈後脫粟更留賓

其四

憔悴燕臺侶飄零到故丘  
春江應北望梅訊恰南  
州竹下山濤興花時杜甫  
愁浮踪如借問壁立五  
湖舟

見有咏雨梅者戲和其韻

乍起蘭湯濯爭飛玉雪香  
動烟鶯十里乘霧冰中  
央步幃圍春淺林梢浴  
鐵鉤應憐寒未減賜錦及  
平陽

聞警憶弟孝積用少陵得舍弟消息韻

春信一江斷故山羣盜存  
應知鴻避弋莫近虎啼



村

舍弟避難皖桐  
時幾爲虎得

脫粟高堂飯驚心爾足痕

壬午賊陷

廬弟縋城  
得脫

翻憂書驟達開目易銷魂

其二

七載雙親難依依定省期

壬午迨令七年家園之  
變三見舍弟皆未離膝

下遙憐荆棘路正廢蓼莪詩負土知何日誅茆惜  
此時窮途雖忍哭那免鬢如絲

憶妹用少陵元日寄韋氏妹韻

諸妹天涯隔年年飽亂離花發江北滿梅訊嶺南  
移猿欲啼清晝烏難共一枝更憐慈母側嬌小髮

定山堂詩集

五言律詩  
下九

卷六

初垂

贈黃甫及和百史冊中韻

疇昔金門地盈庭薛婦姑子雲猶戟陞東觀已鉗

奴

黃子宦燕邸時子正得罪繫司敗獄

江海孤蓬合兵戈萬事殊浮

踪耽勝晚經亂鬱爲儒

其二

詞客登壇日淮陰建祀姑有碑題幼婦無帖讓官

奴江夏名偏盛新亭景不殊曾傳丞相邸側目叔

孫儒

其三

才高官竟達談笑歷通都  
劒槩橫江過雷霆伏闕  
呼五雲天北遠萬馬夜中趨  
夢想臨雍會圍橋立  
大儒

其四

臨邛今不作酒賦因成都  
公意輕三事余謀足五  
湖揮樽澆趙土斷袖艷吳趨  
相勸還丹易神仙本  
俠儒

顧赤方以楚士滯吳頗艱就試近客廣陵不

得意貽詩相訂將爲武林之遊因寄荅

病起誰投札還吳顧彥先薄遊遲贈婦

赤方聘于蕭以貧故

未婚失興阻迴船列戟諸侯第鳴箏估客筵詩書全

掛壁萬一此曹憐

其二

金閨春草色揮涕忽秋雲江海方橫甲風塵豈識  
君蒼鷹饑欲鬪征鴈遠難羣寥落書生耳清砧不  
可聞

其三

乾坤無狗監天意厄長楊賦已千金就家猶四壁

荒老親同短缺

其兩尊人同至維揚

白眼負空囊寧遇黃江

夏能嗔鼓吏狂

世無憐才者並不解忌才一切悠悠爲可悲耳

其四

公車書欲上無策抵金門南國迴秋扇江烽斷客  
魂青雲失路計國士幾人恩海岳翻飛急寒暄態  
勿論

留別冷心茶郡伯卽和其讌集湖舟韻

日歸期自改秋老別離心江柳寒堪折吳帆月易

陰懷人峨嶺雪罷酒晚鴻吟早輟東山屐乾坤戰  
伐深

其二

烟水西泠濶他鄉共客心驪歌喧落水畫鼓續春  
陰歲月謀歡遣江山倚病吟茱萸憑鬪健秋思與  
年深

舟中對雨有懷秋岳

兼旬湖上別柳幔對湖樓雲物還吳苑春星憶醉  
遊短篷深聽雨殘角晚辭秋明日丹陽酒何人信

客愁

其二

二月西陵聚中塘  
鳬生花明淹伏枕  
烽急駭談兵  
白裕門長閉  
青山虎畫行  
驚心重此別  
江色成雲平

其三

每見詩篇進高歌  
慰路難世情雙對酒  
吾道一加餐  
趙壁堅能拔  
吳鉤短自看  
齊名傷計左  
決策傍漁竿

定山堂詩集

其四

秋岳見懷詩有蒲世盡沾文舉座何鄉合有謝公山之句

感子東山句懷余避世心  
天低王粲井木落楚臣吟  
絲竹乾坤晚蓬蒿戰伐深  
寒宵燈燭短實畏二毛侵

其五

交當朱戶絕跡豈酒人疎濁俗  
彝門轡平生叔夜書  
雀羅諳變態龜策阻端居  
天意飄零見良朋庶起予

其六



膺門誠岳峙龍性自鴻冥江海懸卿月文章動客  
星歡娛南國舫出處北山銘學道宜身健丹崖芝  
桂青

顧赤方別去二日忽復見夢枕上口占

夢回驚子在失喜喚鄰舟黃葉鳴江雨征鴻過驛  
樓詩篇還畏友赤方夢中猶論余詩不置聚散此窮秋賴有過  
逢約能寬別浦愁

因懷安止陶子

君自柴桑餓驅興不孤舫常登郭泰人敢目侏

儒

安止頗短小

著述存立草狂歌送野夫莫持青玉案

輕抵酒家壚

于皇辟疆穆倩友沂諸子過集寓齋

人歸蕭寺後有客正投筇鼓角留良夜蓬蒿閉早  
冬路難欣得友食盡勇爲農倚醉思前事風高長

樂鐘

往與于皇在燕邸同集  
客之曼寓賦詩遠旦

其二

乾坤容短鬢風物飽窮交斗轉看橫槩天崩惕覆  
巢霜長青旅壁月似白江郊未覺立亭寂人來苔

解嘲

其三

漁父難莊語人間怪獨醒羽爭飛赤白跡敢陷玄  
冥深酌來今雨青山老歲星十年朱雀路花月並  
亭亭

定山堂詩集

五言雜詩

卷六